

Unammilleqatigiinneq pillugu Inatsisartut inatsisaata allanngortinneqarneranik Inatsisartut inatsisaat nr. 8, 12. juni 2019-imeersoq (Suliaqarfiit aalajangersimasut siunnerfigalugit elektroniskiusunik attaveqaqatigiinnermut atatillugu unammilleqatigiinnermik aqutsinerup aningaasalersornera kiisalu Unammilleqatigiinnermut Ataatsimiititaliami ilaasortassanik toqqaasarneq)

§ 1

1. § 23 r-ip kingorna ikkunneqassaaq:

“Suliaqarfiit aalajangersimasut siunnerfigalugit unammilleqatigiinnermik aqutsinerup aningaasalersornera

§ 23 s. Suliaqarfiit aalajangersimasut siunnerfigalugit elektroniskiusunik attaveqaqatigiinnermut kiffartuussinernullu atatillugu unammilleqatigiinnermik aqutsinerup aningaasalersorneranut attaveqaqatigiinnermut attaviliisarnermut pisussaaffilerneqarsimasut tuniniaasartut, tak. § 23 j, allaffissornermut akiliummik akiliisassapput.

Imm. 2. Atuisartoqarnermut Unammilleqatigiinnermullu Aqutsisoqarfik akiliutip, tak. imm. 1, attaveqaatinik tuniniaasartut akornanni qanoq agguanneqarnissaa pillugu aalajangiisassaaq.

Imm. 3. Imm. 1 naapertorlugu akiliut Aningaasanut inatsimmi aalajangerneqartassaaq.”

2. § 27 imatut oqaasertalerneqassaaq:

” § 27. Unammilleqatigiinnermut Ataatsimiititaliaq siulittaasoqarpoq arfinilinnillu ilaasortaqluni.

Imm. 2. Siulittaasq ilaasortallu piffissamut ukiut sisamat tikillugit sivilissusilimmut Naalackersuisunit toqarneqassapput.

Imm. 3. Unammilleqatigiinnermut Ataatsimiititaliaq pisortani namminersortunilu inuussutissarsiornermi suliffeqarfinnut tamatigoortunik ilisimasaqassaaq, ilanngullugit inatsisilerinerumut, aningaasaqarnermut, aningaasalersuisarnermut aamma atuisartoqarnermut tungassuteqartut.

Imm. 4. Siulittaasq aamma Unammilleqatigiinnermut Ataatsimiititaliami ilaasortat ikinnerpaamik pingasut inuussutissarsiornermi atuisartoqarnermilu soqutigisaqarnermut attuumassuteqassanngillat.

Imm. 5. Naalackersuisut inuussutissarsiornermut kattuffiit ataatsimoortut inassuteqarnerat malillugu ilaasortaq ataaseq, atuisartoqarnermut kattuffinnit ataatsimoortunit inassuteqaat malillugu ilaasortaq ataaseq, aamma kommunita ataatsimoorlutik inassuteqarnerat malillugu pisortat inuussutissarsiornermik ingerlatsinerannik immikkut ilisimasaqartoq ilaasortaq ataaseq toqqartassavaat.

Imm. 6. Unammilleqatigiinnermut Ataatsimiititaliami ilaasortat inuttut suliatigullu piginnaasaqarnerat tungavigalugu toqarneqartassapput, aammalu sulinerminni arlaannaannulluunniit attuumassuteqanngitsumik atuutissallutik.”

§ 2

Inatsisartut inatsisaat 1. juli 2019-imi atuutilissaaq.

Namminersorlutik Oqartussat, ulloq 12. juni 2019

Kim Kielsen